

ԲԺՇԿՈՒԹՅԱՆ ՊԵՏԿՈՒԹՅՈՒՆԻՅ

Ա. Ա. ԼԱԼԱՅԱՆ

«ՎՐԱՋ» ՀԱՆՐԱՅԸ ԵՎ ՀԱՅ ԲԺՇԿՆԵՐՆ ՈՒ ԲԺՇԿՈՒԹՅՈՒՆԸ
ՀԱՅԱՍՏԱՆՈՒՄ

«Վրաջ» բժշկական հանգեսը հրատարակվել է Պետերբուրգում 1880—1901 թվականներին, պրոֆ. Վ. Ա. Մանասեինի խմբագրությամբ: Այն հանդիսացել է կլինիկական բժշկությանը, հիգիենային և բժշկական կենցաղին նվիրված, ռուս բժիշկների կողմից շատ ու շատ սիրված պարբերական հրատարակություն:

Ռուս բժիշկների խիղճը — աչապն է բնութագրվել «Վրաջ»-ը ժամանակակիցների կողմից: Դժվար է գերազնահատել այն հակայական դատաբարակչական դերը, որ խաղաց «Վրաջ»-ը ռուս բժշկության կյանքում: Դրան հավասարը չի եղել և ոչ մի ժողովրդի բժշկության տապա-րեզում:

Իր գոյության 21 տարիների ընթացքում իր էջերում, մասնավորապես «Խրոնիկա և մանր լուրեր» բաժնում, «Վրաջ»-ը առաջ բաշեց և լուծեց բժշկական կյանքի բոլոր փոքրիշատե կարևոր հարցերը: Վերահիշյալ բաժնում գետնադրված նյութերը դատաբարակչական հակայական նշանակություն ունեին, զրանք դատաբարակչության գլխուղի էին, բժշկի բարոյականության կողնակ, ս յնախի փալլուն կողակս, որպիսին չէր ստեղծվել և ոչ մի բժշկական հանգես:

«Վրաջ»-ի էջերում հրապարակվել են հարյուրավոր գիտական հոդվածներ, որոնցից շատե-րը իրենց արժեքը պահպանում են նաև այսօր:

«Վրաջ»-ը XIX դարի 80-ական և 90-ական թվականների ռուսական բժշկական կյանքի լուրահատուկ հանրադատարանն է, նրա բժշկության պատմության հավերժ կենդանի հուշա-րձանը:

«Վրաջ»-ի լուրաբանչյուր համարի սկզբում գետնվում էին կլինիկական բժշկության բոլոր բնագավառներին, հիգիենային և բժշկական կենցաղի հարցերին նվիրված օրիգինալ հոդվածներ:

Ինչպես որ «Վրաջ»-ի խմբագիր պրոֆ. Վ. Ա. Մանասեինը իր կլինիկայում սիրահոծար և առանց խտրության ընդունում էր Ռուսաստանի տարբեր ժողովուրդների ներկայացուցիչներին, այդ թվում նաև հայ բժիշկներին, այնպես էլ իր խմբագրած «Վրաջ»-ի էջերում տեղ էր տալիս այդ ժողովուրդների զավակների աշխատություններին, ինչպես նաև հայ բժիշկների կլինիկա-կան հետազոտություններին: «Վրաջ»-ի էջերում հանդես է եկել հայ ակնաավոր բժիշկ Մ. Ի. Առուստամովը: Նրա հոդվածները հրապարակվել են 1891 և 1898 թվականներին: Բացի ձկան թուլնի ինֆեկցիոն բնույթին վերաբերող նշանավոր աշխատություններից, «Վրաջ»-ում հրապա-րակվել է նաև Մ. Ի. Առուստամովի մի ալ աշխատությունը «Leptospirosis-ի մորֆոլոգիայի և բիոլոգիայի մասին» խորագրով, որպիսի աշխատանքը կատարված է եղել պրոֆ. Մ. Ի. Աֆա-նասևի կլինիկո-բակտերիոլոգիական լաբորատորիայում:

Լեպտոթրիքս միկրոբի մորֆոլոգիայի և բիոլոգիայի հարցերը շատ բիշ էին ուսումնասիր-ված: Լեպտիսպի հետազոտությունը բացահայտում էր լեպտոթրիքի տարատեսակների գոյու-թյունը, ինչպես նաև դրանց բիո-մորֆոլոգիայի ալ հարցերը:

Հայ բժիշկների կողմից ֆիլոլոլոգիայի տապալեզում կատարված հետազոտություններից «Վրաջ»-ում հրապարակվել են մի շարք հոդվածներ, այդ թվում՝ 1899 թվականին Գ. Ի. Թա-մաճյի «Կենդանական օրգանիզմում ալոհոլի անհետացման արագության մասին» աշխա-տությունը: Այդ մի հետաքրքրական հետազոտություն է, որը կատարվել է Պետերբուրգում, ակադեմիկոս Ա. Յա. Դանիլևսկու ֆիզիոլոգո-բիոլոգիական լաբորատորիայում և մասնամասն զեկուցվել է ժողովրդական առողջության պահպանության Ռուսական ընկերության սենդի հանձնաժողովում:

Իր վերահիշյալ աշխատության մեջ հեղինակը նպատակ է դրել բացահայտել ալոհոլի ան-

հետագման արագությունը կենդանական օրգանիզմից և պարզարանել աչն հարցը, քի ալգ պրոցեսին օժանդակում է արդյոք «կույս» բնկույզը ներքին օդառողորժման ղեկարում: Մի շարք փորձեր են կատարվել 20 ճագարների վրա, որոնց օրգանիզմները հետազոտվել են արկոհոլի կիրառումից 2-ից մինչև 24 ժամ հետո:

Հեղինակը իր փորձերի արդյունքների հիման վրա հանդում է վերահիշյալ հարցերի վերաբերյալ հետաքրքրական կերակացությունների, որոնք որոշակի արժեք են ներկայացնում ֆիզիոլոգիայի ալգ բնագավառի համար, մի բնագավառ, որտեղ իր փայլուն հետազոտություններից մեկը՝ «նյութեր արկոհոլային հարբեցման ապագա ֆիզիոլոգիայի համար» վերնագրով, կատարել էր ռուսական ֆիզիոլոգիայի հայր Ի. Մ. Սեչենովը:

«Լրաշ» հանդեսում 1897 թվականին հրատարակվել է Ն. Ջ. Ումիկովի «Դիագնոստիկական ծծկեր երեխաների մեզի մեջ» խորագրով աշխատությունը, որը հանդիսանում է Պետերբուրգի դատաբանական տան քիմիական լաբորատորիայում հեղինակի կատարած աշխատանքի շարադրանքը:

Նշելով, որ էրլիխի կողմից դիագնոստիկայի հայտնաբերումից հետո այդ ուսանկցիայի ստուգման վերաբերյալ կատարված աշխատանքները հիմնականում վերաբերում են մեծահասակ հիվանդներին, հեղինակը նպատակ է դրել ուսումնասիրելու նույն ուսանկցիան ծծկեր երեխաների մոտ: Հեղինակը սկզբում ուսումնասիրել է 147 առողջ, ապա դիֆթերիայով, կարմրուկով և մի շարք այլ հիվանդություններով տառապող երեխաների մեզի:

Իր կերակացություններում հեղինակը բացահայտում է ծծկեր առողջ երեխաների, ինչպես և մի շարք հիվանդություններով տառապողների մեզի մեջ դիագնոստիկական առկայությունը կամ բացակայությունը:

Ն. Ջ. Ումիկովի վերահիշյալ աշխատությունը որոշակի արժեք է ներկայացնում մանկական հիվանդությունների լաբորատոր դիագնոստիկայի համար:

«Լրաշ» հանդեսում տպագրվել էն հայ բժիշկների կլինիկական բնույթի մի շարք այլ աշխատություններ: Այսպես, օրինակ, 1898 թվականին «Լրաշ»-ի էրեր համարներում հրատարակվել է Ս. Ս. Նալբանդովի «Սիրինգոմիելիայի (Մորվիկի տիպ) սիմպտոմատոլոգիայի մասին» խորագրով աշխատությունը, որի հետ կապված հետազոտությունը կատարվել է պրոֆ. Ա. Յա. Կոժևնիկովի կլինիկայում: Այստեղ հեղինակը կանգ է առնում ողնուղեղի ծանր առաապանքներից մեկի՝ մորվանյան տիպի սիրինգոմիելիայի սիմպտոմատոլոգիայի վրա: Նյունյով իր կատարած կլինիկական դիտողություններից և զրոհանություններից, նա բացահայտում է ալգ հիվանդության դիագնոստիկայի մի շարք հարցեր: Մի տարի հետո նույն հանդեսում տպագրվել է Ս. Ս. Նալբանդովի մի այլ աշխատությունը, նվիրված ներվային մի հագվադեպ տառապանքի նկարագրությանը:

Հայ բժիշկների կլինիկական հետազոտություններից «Լրաշ»-ում հրատարակվել է նաև Ս. Սուրուխու, «Սիֆիլիսի ոչ շարաբային միզահյուծություն», Ս. Վ. Տեր-Միքայելյանի «Արգանդի արտանման ժամանակ hysteropexia a' dominantis anterior» հարցի շուրջը» և մի շարք այլ աշխատություններ:

«Լրաշ»-ի էջերում հայ բժիշկները հրատարակել են իրենց դիսերտացիաների առանձին հատվածները, ավելի հաճախ՝ ալգ դիսերտացիաների համառոտ բովանդակությունը՝ նախնական հաղորդման ձևով: Ալգ նյութերի հրատարակումը նախորդել է դիսերտացիայի պաշտպանության արդյունքին և հնարավորություն է ընձեռնել դիսերտացիան լայն քննարկման առարկա դարձնել մինչև պաշտպանությունը և պաշտպանության բուն արդյունքում:

Այսպես, օրինակ, 1893 թ. ապրիլի 22-ին «Լրաշ»-ում հրատարակվել է Լ. Ի. Բերբերովի «Հղինների, ծննդկանների և ստինքով կերակրողների մեզում շաքարի գոյության հարցի շուրջը» խորագրով նախնական հաղորդումը: Դրանից երկու շաբաթ հետո, Ռազմա-բժշկական ակադեմիայում է. Ի. Բերբերովը պաշտպանում է իր դոկտորական դիսերտացիան վերահիշյալ թեմայով:

«Լրաշ»-ն իր էջերում տեղ է տվել ոչ միայն նշանավոր գիտնականներին, գիտական ուսյրակով բժշկության հարցերը լուսաբանողներին, այլ նաև բժշկական գիտության անդադտանում առաջին րայքերը կատարող ուսանողներին, եթե նրանց հետազոտությունները որոշակի արժեք են ներկայացրել:

«Լրաշ»-ում մենք գտնում ենք նաև Ռուսաստանի գիտական բժշկական կենտրոններում իրենց կրթությունն ստացող հայ երիտասարդների ուսանողական գիտական աշխատությունները:

Ռազմա-բժշկական ակադեմիայի ուսանող Ի. Ավթանդիովը 1889 թվականին «Լրաշ»-ում հրատարակել է «Ձոր օդային վանանների և տաք բմպելիքի համեմատական քնաբեր ներդրո-

ծախյան մասին» իր ուսումնասիրությունը, որ նա կատարել է պրոֆ. Վ. Ա. Մանասինի պրոպեդևտիկ թերապիայի կլինիկայում:

Այստեղ հեղինակը իր հետազոտությունների հիման վրա հանգում է այն եզրակացությանը, որ օդային տաք վաննաները, որպես բրտնարեր գործոններ, ավելի է ֆեկտիվ են ազդում, քան մորու տաք ըմպելիքը:

«Վրաչ»-ում 1899 թվականին հրապարակվել է նաև Մոսկվայի համալսարանի բժշկական ֆակուլտետի ուսանողներ Ն. Մոսկալենկոյի և Վ. Տեր-Գրիգորյանցի հոդվածը « Alopeciae areatae-ի ծագման հարցի շուրջը» վերնագրով:

Պրոֆ. Ա. Ի. Պոսպելովի առաջարկով, Մոսկվայի համալսարանի բժշկական ֆակուլտետի կոդից « Alopeciae areatae-ն իբրև մաշկի տրոֆոնեյրոզ» թեման առաջարկվել էր ուսանողական գիտական աշխատությունների մրցանակաբաշխության համար: Ն. Մոսկալենկոն և Վ. Տեր-Գրիգորյանցը, ի պատասխան այդ առաջարկության, վերոհիշյալ աշխատանքը կատարել էին պրոֆ. Ա. Բ. Ֆոխտի ընդհանուր պաթոլոգիայի ինստիտուտում, բժիշկ Ա. Ի. Տալյանցիի ղեկավարությամբ:

«Վրաչ»-ի էջերում ուսանողական գիտական առավել աչքի ընկած հետազոտությունների հրապարակումը պատահական չէ: Պրոֆ. Վ. Ա. Մանասինը, շարունակելով Ս. Պ. Բոտկինի տրագիցիաները, իր կլինիկայում լայն հնարավորություններ է ստեղծում ուսանողական գիտական աշխատանքների համար:

«Վրաչ»-ում հայ բժիշկներին կլինիկական և էքսպերիմենտալ հետազոտություններից բացի, հրապարակվել են նաև նրանց գիտական համառոտ հաղորդումները պրակտիկայում կատարած դիտողությունները և այլն:

Գ. Թադևոսովը 1894 թվականին «Վրաչ»-ին ուղարկել է «Թթվախուր որպես զկրտոցի նույն ընդհանուր միջոց» վերնագրով մի փոքր հոդված, որը և հրապարակվել է նույն թվականին:

Իրենց պրակտիկ գործունեության ընթացքում կատարած դիտողությունների մասին «Վրաչ»-ի էջերում պատմել են նաև Հայաստանում ծառայած ռուս բժիշկները: «Վրաչ»-ում 1899 թվականին հրապարակվել է Ալեքսանդրուպոլի տեղական լազարնի բժիշկ Մ. Ս. Նազարովի «Սկիպիդարի բարերար ազդեցությունը ծանր ծաղիկ ընթացքի վրա» վերնագրով հոդվածը: Այստեղ հեղինակը նկարագրում է սկիպիդարի ազդեցությունը ծանր ծաղիկի ժամանակ, որ նա համարում է շատ ավելի արդյունավետ իխտիոլի համեմատությամբ:

«Վրաչ»-ում «Ընթացիկ մամուլից» խորագրի տակ հրապարակվել են ինչպես հայրենական, այնպես էլ արտասահմանյան բժշկական գրականությունից ռեֆերատներ ու անոտացիաներ: Դրանց մեջ մենք տեսնում ենք նաև ինչպես հայ բժիշկների, այնպես էլ Հայաստանում ծառայած ռուս բժիշկների բազմաթիվ աշխատությունների ռեֆերատները:

Այսպես, օրինակ, 1898 թվականին «Ընթացիկ մամուլից» վերնագրի տակ տրված է նաև բժիշկ Գ. Ի. Կարազյուզյանցի «Լուսնենո-մեդիցինսկի ժուռնալ»-ում հրապարակված երկու աշխատությունների անոտացիաները:

«Վրաչ»-ում 1894 թվականին հրապարակվել է բժիշկ Վոսկրեսենսկու «Վոեննո-մեդիցինսկի ժուռնալ»-ում տպագրված հոդվածի անոտացիան: Վերոհիշյալ հոդվածը նվիրված է Կարսի մարզի Սարիգոմիշ շրջանում զինվորների մեջ նկատված համկուրության զնայերին:

Նույն տեղում 1892 թվականին տպագրվել է բժիշկ Խլոդկովսկու, «Կոմկասյան բժշկական քնկերության» արձանագրություններում Կարսի մարզում էպիդեմիկ ստոմատիդի զնայերին նվիրված աշխատության անոտացիոն և այլն:

«Ընթացիկ մամուլից» վերնագրի տակ հրապարակվել են նաև հայ բժիշկների պաշտպանած դիսերտացիաների համառոտ անոտացիաները: Այսպես, օրինակ, 1899 թվականին հրատարակվել է Ա. Մ. Հակոբյանցի «Բորժոմի եկամեդինյան աղբյուրի» շրջի մեջ լցված դազավորված ջրի բնական հետազոտությունը» խորագրով դիսերտացիայի համառոտ անոտացիան:

«Ընթացիկ մամուլից» խորագրի տակ հրատարակված նյութերը արժեքավոր են նաև որպես բրիտոգրաֆիական աղբյուր՝ զանազան վայրերում հայ բժիշկների հրատարակած որոշ աշխատություններ գտնելու համար: Այսպես, այստեղից մենք տեղեկանում ենք Թամամշևի կոդից Փարիզում գրված և Annales de l'institut Pasteur-ում հրապարակված աշխատության մասին և այլն:

«Վրաչ»-ում «Թղթակցություններ» խորագրի տակ պարբերաբար հաղորդագրություններ են տպագրվել Ռուսաստանի տարբեր բժշկական քնկերությունների գործունեության մասին: Թեև վերոհիշյալ քնկերությունները մեծ մասամբ ունեցել են իրենց հրատարակությունները, սակայն «Վրաչ»-ում հրապարակված թղթակցությունները որոշակի արժեք են ներկայացնում այն առում-

մով, որ, թեպետ համառոտ կերպով, սակայն մի անգ են հավասարված այդ բնկերությունների գործունեության վերաբերյալ նյութերը:

Բժշկական բնկերությունների գործունեության վերաբերյալ «Վրաչ»-ում հրատարակված թղթակցությունները հայ բժշկության պատմության համար որոշակի արժեք ու հետաքրքրություն են ներկայացնում այն առումով, որ լույս են սփռում մի շարք հայ բժիշկների գիտական գործունեության վրա:

«Վրաչ»-ի խրոնիկան, գրել է Ա. Լոգինսկին 1911 թվականին, դա ռուսական հասարակական-բժշկական կյանքի կենդանի տարեգրություն է, դա անսպառ և արժեքավոր նյութ է ապագա պատմաբանի համար:

Իր գոյություն ամբողջ ընթացքում «Վրաչ»-ը հանդես է եկել իր և կանանց բժշկական կրթության բարձրացման Գա «Վրաչ»-ի հակառակ կանաչություններին մեկն է, որ նա մատուցել է Ռուսաստանում կանանց բժշկական կրթության գործին, մի ծառայություն, որ նա կատարել է մեծ սիրով, հակառակ էնտուզիազմով և համառությամբ:

Քերենք այդ ուղղությամբ այստեղ հրատարակված բազմաթիվ նյութերից մեկը: 1894 թվականին, Փարիզում բժշկական կրթություն ստացող ռուս 70 ուսանողուհիները «Վրաչ»-ին ուղղած իրենց նամակում գրում էին:

«...Սենդանի հետաքրքրությամբ հետևելով Ռուսաստանում կանանց բժշկական դասընթացների բացմանը վերաբերող հարցին, մենք առանձնահատուկ գոհունակությամբ կարդացինք «Ռուսիկե վեդոմոստի»-ի 4-րդ համարում ռուս բժիշկների համագումարի որոշումը՝ այդ դասընթացները կարճ ժամանակում բացելու, ինչպես նաև արտասահմանյան որևէ համալսարանում դասընթացն ավարտած էին բժիշկներին քննության թույլատրելու միջոցառության մասին:

Մենք հավատում ենք այն գործի հաջողությանը, որը համակրություն ու պաշտպանություն է գտել այն հիմնարկի կողմից, որը արժանավորապես վաշելում է հասարակության հարգանքն ու պատիվը, և խնդրում ենք ռուս բժիշկների համագումարի պ. պ. անդամներից բնորոշելու մեր խորը համակրանքն ու երաշխագիտությունը մեզ բոլորիս համար թանկագին գործում նրանց ցուցաբերած աշխույժ մասնակցության համար:

Փարիզ, 23¹, 4¹11, 1894 թ.»¹:

Մինչև 1897 թվականը, այսինքն մինչև կանանց բժշկական ինստիտուտի բացվելը, մի շարք տարիներ շարունակ Ռուսաստանում կանայք զրկված էին բարձրագույն բժշկական կրթություն ստանալու հնարավորությունից:

Վերոհիշյալ նամակն ստորագրել էր նաև Ս. Թարխանովան: Հետագայում, 1900 թվականին, «Վրաչ»-ը հաղորդել է նաև այն մասին, որ Թարխանյանցը Փարիզում գեղատրական դիսերտացիա է պաշտպանել «Դժգույն սակավարյունության ժամանակ լյարդի փոփոխությունների հարցի շուրջը» թեմայով: Դրանից հետո նա, վերադառնալով իր հայրենի Կովկասը, ազնիվ կերպով ծառայել է ժողովրդի առողջապահությանը:

Իր գոյության ամբողջ ընթացքում «Վրաչ»-ը սկզբունքային պայքար է մղել հոմեոպաթիների դեմ: Այդ ուղղությամբ այստեղ տպագրված բազմաթիվ նյութերից ուշագրության արժանի է Կովկասյան բժշկական բնկերությունից հոմեոպաթ Ա. Ի. Զեմանի վտարման գործը: Վերջինս այդ բնկերության խեղճ անդամ ընտրվելուց մեկ տարի հետո իրեն հայտարարում է հոմեոպաթ: Կովկասյան բժշկական բնկերության անդամները անհամատեղելի են համարում բնկերության անդամ լինելը հոմեոպաթի կոչման հետ: Այդ ուղղությամբ վերոհիշյալ բնկերության նիստում ծավալված մտքերի փոխանակությանը մասնակցում են նաև հայազգի բժիշկներ Մ. Զ. Ավթանդիլյան և Ս. Ա. Մալախյանցը:

Առանձնահատուկ ուշադրությամբ «Վրաչ»-ը արձագանքել է Կովկասյան բժշկական բնկության գործունեությանը:

1889 թվականին «Վրաչ»-ը Կովկասյան բժշկական բնկերությունը համարում է ամենագործունը Ռուսաստանի բժշկական բնկերություններից և համոզվում էր, որ նրա 25-ամյակը ջերմ արձագանք կտանի Ռուսաստանի բոլոր բժիշկների կողմից:

Կովկասյան բժշկական բնկերության գործունեությունը բարձր գնահատելով հանդերձ՝ «Վրաչ»-ը կշտամբում է նրան այն բանի համար, որ բնկերության պատվավոր անդամներ են ընտրվում նաև ըստ պաշտոնների, ակնհայտ կերպով ակնարկելով վարչական ու կրոնական մի շարք ղեկավար անձանց պատվավոր անդամ ընտրելու փաստը:

Շատ հաճախ «Վրաչ»-ը անգրագատում է Կովկասյան բժշկական բնկերության բննարկած

¹ «Врач» № 6, 1894, стр. 191.

հարցերին, հավանություն է տալիս զրանց, սեպեցում և պաշտպանում խելացի ու առաջավոր գործը, հանդիմանում սխալների ու թերությունների համար¹:

1893 թվականին «Վրաշ»-ը, արձանագրելով «Կովկասյան բժշկական ընկերության կից կովկասյան բժշկների» խորհրայի համաձայնագրի գեմ պայքարի միջոցառումների քննարկման ու մշակման համար առաջին համագումարի օրագրի» լույս ընծայումը, իր մի քանի զխոսողություններն էր անում այդ որոշումների կապակցությամբ: «Վրաշ»-ը լրիվ հիմնավորված է համարում այդ համագումարի որոշումն այն մասին, որ խոլերայից բուժելու ձև պետք է ընտրի ամեն մի լուծող բժշկը և այլն:

«Վրաշ»-ը ուշադրություն է դարձրել նաև Հայաստանում առողջապահական գործի վիճակի վրա:

Դեռևս 1882 թվականին «Վրաշ»-ը բերում է մի շարք տեղեկություններ, որպես ակնհայտ փաստեր Կովկասում բժշկության բարձրիվ վիճակի վերաբերյալ: «...Երևանի նահանգում,— տաված է այստեղ,— կա 8 բժիշկ, 14 բուժակ և 4 սառնար, այնպես որ ամեն մի բժիշկն ընկնում է 68.000 բնակիչ, իսկ ամեն մի տառնորը՝ 58.000 կին: Դրա հետ մեկտեղ, դավառական բժիշկները խեղդված են դիսանթրիաներով, վիրավորների դատական զննումներով և այլն: Դրա հետևանքով բուն ժողովրդական առողջապահությանը մնում է զրո կամ համարյա զրո»²:

«Վրաշ»-ը գրել է նաև Կարսի մարզում առողջապահական ծանր վիճակի, բժիշկների անբավարար թվի, հոսպիտալի անմխիթար դրության մասին:

Այնպիսի փաստեր, ինչպես են նախկին Երևանյան նահանգում լսարդորիա բացելու հարցը, տեղեկություններ 1892—93 թթ. Երևանում խոլերայի ստրածման ընթացքի մասին և այլն, իրենց արտացոլումն են գտել «Վրաշ»-ում:

«Վրաշ»-ը շեշտել է այն ծանր պայմանները, որոնց մեջ իրենց գործունեությունն են ծավալել Կովկասի բժիշկները, այն անհամար դժվարությունները, որ հաղթահարել են նրանք:

«Վրաշ»-ը մեծ գովաստով է խոսել Կովկասում ծառայող ռուս բժիշկների գործունեության մասին և կրթող կերպով պաշտպանել է այդ բժիշկների պատիվը գրպարտիչների պրովակացիայից: 1892 թվականին ընդհանուր մամուլում լուրեր տալագրվեց Կովկասյան բժիշկների մասին, գրպարտչական բնույթի տեղեկություններ, որ իբր թե այդ բժիշկները հրաժարվել են օգնություն ցույց տալ խոլերայով հիվանդներին և, խոլերայից սարսափած, փախել են:

Սկզբից նեթ «Վրաշ»-ը չհավատար այդ լուրերին, որոնք ինչպես հետագայում պարզվեց, ամբողջովին գրպարտչական բնույթ ունեին: Հենց սկզբից, «Վրաշ»-ը գրեց, «Ռուս բժիշկները միշտ կարողացել են կատարել իրենց պարտքը, կարողացել են մեռնել իրենց պատերում պատերազմի ժամանակ, և բոլորի աչքի առջև մեռնում էին և մեռնում են քաղցող վայրերում բժամոր տիֆի դեմ պայքարում»³:

Բազմաթիվ ու բազմապես այլ հարցեր է առաջ քաշել «Վրաշ»-ը, մեծ թե «մանր», բայց իր ժամանակի համար ակտուալ, կարևոր հարցեր: Ահա մի օրինակ. «Վրաշ»-ը բազմիցս առաջ է բաշել այն միտքը, որ հանգուցյալ բժիշկի գրադարանը պետք է անցնի որևէ հասարակական կազմակերպության, որպեսզի այդ գրքերը ոչ թե ցիրուցան լինեն, այլ օգտագործվեն հնարավորին չափ ավելի շատ բժիշկների կողմից: Երբ 1899 թվականին հանգուցյալ հայ բժիշկ Հախվերդովի ազգիկը ցանկություն հայտնեց հոր գրադարանի Կովկասյան բժշկական ընկերությանը հանձնելու, «Վրաշ»-ը ջերմորեն ընդունեց այդ լուրը և այդ մասին հայտնեց իր «Նորոնիկայում»:

Ինչպիսի կրթությունը որ «Վրաշ»-ը գովում էր հայ բժիշկների լավ գործերը, նույնպիսի կրթությունը խաբազանում էր նրանց վատ արարքները:

Իր գեղություն ամբողջ ընթացքում «Վրաշ»-ը պայքարել է բժշկության ասպարեզում եղած ամեն տեսակի շաղկապությունների, մասնավորապես ինքնակոչ բժիշկների, «զալտերի» միջոցների դեմ: «Վրաշ»-ի էջերում մեղակացվել են բազմաթիվ շաղկապան ինքնակոչ-բժիշկներ, այդ թվում Դ. Լ. Հարությունյանը, որը 1898 թվականին Աստրախանում գրազվել է «բժշկությամբ», Ա. Ավետիսյանը, որը 1895 թվականին Թիֆլիսում ուժեղ ազդող միջոցներով «բուժել է» սիֆիլիսը և այլն:

Հանուն բժշկական կոնկալի անողարտության, ընդդեմ ամեն տեսակի անազնություն ու շաղկապանության, իր պայքարը «Վրաշ»-ը մղել է ոչ թե դեպից դեպը, լուկ խոսքերով, այլ հետևողականորեն, կոնկրետ փաստերով:

¹ Բրաշ, № 4, 1885, стр. 43.

² Բրաշ, № 17, 1891, стр. 281.

³ Բրաշ, № 26, 1892, стр. 665.

Սակայն «Վրաչ»-ի փառքի գափնն պսակը հասարակական առողջապահության բնագավառի նրա գործունեությունն է և այստեղ լավագույն օրինակներից մեկը վերաբերում է հայազգի բժիշկ Մ. Ի. Առուստամովին:

Վերն արդեն ասվեց, որ «Վրաչ»-ը տպագրել է Մ. Ի. Առուստամովի գիտական հոդվածները և նյութեր՝ նրա նշանավոր հայտնագործությունը մրցանակի արժանացնելու վերաբերյալ:

«Վրաչ»-ը հայազգի բժիշկներից մեծներից շատ Մ. Ի. Առուստամովի գործունեությանն է առաջարկել, Եվ այդ պատահական է:

Մ. Ի. Առուստամովը ուսական առաջավոր հասարակական բժշկության նշանավոր գեմքերից էր:

«Վրաչ»-ը ժողովրդական առողջապահության պայքարի առաջադեմ ուժերի հզոր օրգանն էր: Նա չէր կարող անտեսել, չէր կարող չաջակցել այդ ասպարեզի մարտնչող գործիչ Մ. Ի. Առուստամովին:

«Վրաչ»-ի «Խրոնիկա և մանր լուրեր» բաժինը պարունակում է նաև շատ տարբեր բնույթի տեղեկություններ հայ բժիշկների գործունեության վերաբերյալ:

«Վրաչ»-ի վերոհիշյալ բաժնում սխտեմատիկաբար տեղեկություններ են հրապարակվել Ռուսաստանում բժշկականության դոկտորի աստիճանի համար դիսերտացիա պաշտպանած բժիշկների մասին: Այստեղ մենք գտնում ենք մի քանի տասնյակ հայ բժիշկների անուններ: Այդ շրջանում (1880—1901 թթ.) Պետերբուրգի Ռազմա-բժշկական ակադեմիայում և Մոսկվայի համալսարանի բժշկական ֆակուլտետում դոկտորական դիսերտացիաներ են պաշտպանել հայազգի բժիշկներ Ա. Մ. Հակոբյանցը, Ս. Ս. Իստամանովը, Մ. Զ. Ավթանգիլովը, Ա. Բաբանը, Վ. Ի. Վարդանովը, Գ. Բ. Մելիք-Բեգլչարովը, Լ. Ի. Բերբերովը, Ն. Դ. Զարգարովը և ուրիշներ:

Մի շարք այլ բնույթի լուրեր բացահայտում են Ռուսաստանի տարբեր մասերում հայ բժիշկների անձնվեր աշխատանքի արժանի գնահատության փաստերը:

«Վրաչ»-ի «Խրոնիկայից» մենք տեղեկանում ենք, թե ինչպիսի ջերմ հրաժեշտով է ավարտվել բժիշկ Գ. Ա. Թադևոսովի երկարամյա ծառայությունը զորամասերից մեկում, ինչպես ղեկավարեցին սիրով նշել են բժիշկ Ա. Ի. Սուլթան-Շահի գործունեության 25-ամյակը, Պյատի-դորսկի տեղական լազարնի բժիշկները՝ Հ. Բ. Կալուստովի ռազմա-բժշկական ծառայության 25-ամյակը:

Ամփոփելով «Վրաչ»-ի մասին վերևում ասվածը, գալիս ենք այն եզրակացությանը, որ այդ հանդեսը իր ժամանակին հսկայական դրական դեր է խաղացել նաև հայ բժիշկների կյանքում, մասնավորապես նրանց գաստիարականության գործում: Այսօր «Վրաչ»-ը հանդիսանում է հայ բժշկության անցյալ դարի 80-ական և 90-ական թվականների պատմության ամենահարուստ ակզերնադրյուններից մեկը:

Ստացվել է 21, XII—1957 թ.

А. А. ЛАЛАЯН

ЖУРНАЛ „ВРАЧ“ И АРМЯНЕ-ВРАЧИ И МЕДИЦИНА В АРМЕНИИ

Р е з ю м е

1. На страницах журнала „Врач“ печатались и работы армян-врачей.

2. „Врач“ отражал и откликался также на значительные события медицинской жизни Кавказа.

3. Отдел „Хроника“ содержит сведения о деятельности армян-врачей.

4. В свое время журнал сыграл огромную роль в жизни армян-врачей, в частности в деле их воспитания.

5. „Врач“ является одним из богатых первоисточников истории медицины в Армении 80-х и 90-х годов прошлого столетия.